

## Evesumu Vichavamyujura Catera

### *Pávurubay muchuveda*

<sup>1</sup> Ray Pávuru, rañicha Jesucrístu nusubyi Judenu jtedamujū, jiryimujū saju jĩntyasavay jĩryatiy Evésumu vichavay jirye, jĩryatiy jiryevyichasara Jesucrístu vaṭadamu day, samiy siityevay saju variy jirye.

<sup>2</sup> Jiryajmutyara samirya vichada Vujye Judenumusiy, Vuyntyityu Jesucrístumusiy jarye, jĩryatiy jiryimutya simusirya jiryejyuuchuveda ramityadedaju.

### *Vuryimutyajayasara Crístumusirya rajuura samirya vichasara vuryinuyada jiyadaju*

<sup>3</sup> Junareju jchanatyasi savichasara Vujye Judenu, jiryatiy Vuyntyityu Jesucrístu jañi, nĩday sachara varintyirya rajuura samirya vichasara vuryinuyada jiyadajuntiy, Vuyntyityu Jesús musintiyi, jarichuvimu, diyemusidyerya titaju vujyu darya.

<sup>4</sup> Daryamusiñiday sajaryetada Crístumujū vuy, netimyu ne sũdejadara mucadi variy didye, vuryatidye vichasara jĩntyevye saju, ne vacha niqesara rachasara sadiya vuñijyu nũday.

<sup>5</sup> Sadirya vaṭadamusiy yiteda: Rajmutya sitenu radyedyeñujū jirye, Jesucrístumusiy sajachipiyajada daryá, jidyirya niruyadamujū.

<sup>6</sup> Ramuniday vuryajchanatyani Judenu samirya sayadiva, jiryatiy sadirya niruyadata

jichedyevyuy, jiryatiy jaryi savatasavay daryaju Jesucristumusidyevyuy.

<sup>7</sup> Jesucristu jiryinuuy murichedoda yindajata vujyuuchuveta jiyadaju, saramityaniy Judenu variy vuryivara, jiryatiy jaryi samiryamu saniruyadata jichevyuy.

<sup>8</sup> Sasayada jaryivyaju vujyura jidyetyada titaju, samirya jachipiyajada jarye titaju risaju.

<sup>9</sup> Sadytanunuyada vurya jivyatara, jiryatiy dutyasara ravichanuyada tavajyu, jvadicharaday sajachipiyajada jvaayadara jijechara jidyirya Cristumu.

<sup>10</sup> Sajachipiyajada jvaayadara ranumatiy jutitititotadeda runda, jasityidye sabay Cristu nusuyadaju titajura jiryatiy navay jarichumu darya, mucadiva vichara jarye titaju risaju.

<sup>11</sup> Simusidye riryajmutya titaju Cristu siityarivantyirya jiyaruryantiy jiryatiy sabayada Judenu rijyu darya. Sadirya jachipiyajadata jibeyada daryajura jidyirya jvaaryuyada.

<sup>12</sup> Darya sivaay jidyirya darya, ratidye danuya jaryi vanda suro, jiryatiy riichanatyada nijyanvay nunchirya, jiryatiy munatya nuñi nutuyada sajiju vuryeyada ranu Cristu.

<sup>13</sup> Jirye jaryentiy, jiryetyuvachodanumatirya sitenu tuchoda sanijyu, jiryatiy samituchoda darya, ramusiñiday vudyetyara Judenu jantyutyada. Jiryetyuvachodanumatiy variy simu, sabayada yintuta jiyu variy jirye, darya niday suteda variy: Rajpani rintu ribivaju jiryimujuntiy.

<sup>14</sup> Jiryatiy sasayada Yintu vuy, vudyetya jita ramusiy vuryajmutyara jantyutyada

Judenumusiy, riryatidye jchanatya nijyanvay variñi Vuryindenu, rajasay jaryi vanda surō varyi.

*Pávurubay jachiñuyada Judenuvara datyada Crístu siityarivajyu*

<sup>15-16</sup> Ramunidantyi, ratyuvachodanumaty ranchiy jiryetyuvachoda simu Vuyntyityu Jesús, títaju jiryevyatadanchiy jarye riñijyu títaju Judenu siityarivajyuu, ne rapyaruy riva jchanatyadani Judenu jiryenijyu, jasidye rajechipityaja Judenujsa tuchodamu jiryē.

<sup>17</sup> Rajechiñuy siva Judenu, Vuyntyityu Jesucrístu jay, nítii vichasara vandamu, satidye say Yintu jiryē, simusityi jiryēcha jaryi datyavay, jiryatyi sadityanu jiryēñi Jesús, jiryatidye datya sitenuni.

<sup>18</sup> Rajechiñuy jiryeyadaju, sanononurya jiryējehiy datyada, jiryatidye datyara tarajiju jiryentuchara, jiryatyi sabayada Judenu jiryējyu darya, ta jaryi taratavay jiryēchate jasiy jiryatyi jiryimutyara jiberya vandamu rusa títaju sasiityarivajyuu.

<sup>19</sup> Rajechiñuntyi jiryatidye datya ne ti saradoda sarara sadatyadoda, jiryatyi simu tuvachuvamyu darya, ratatyi sivaachara jaryi jivyanuyadata darya.

<sup>20</sup> Darya savanuyadataday jimyisadedani Crístu diibyimusintyi, samasadedada jita yintyityudamyuju jarichuvimuni.

<sup>21</sup> Vujyē Judenu bayadani Crístu títaju bayantuvedanchaju, jiryatyi rutachara jaryi vanuvyeyu, datyavay jarye, títaju jiryā mucadiva vichavay jiryatyi rutay daryaju nutyityumiyu,

nusuyadacanimiy daryajuriy. Títaju jirya jiyadaju sasañi Crístu jaryi datyadaju, dantyamuy ne vinu diye vichavajyu, rusiy vichavajyuntiy.

<sup>22-23</sup> Sabayadama Judenura títaju Crístu numutu jaridye. Ramuniday sabayadani Crístu jamu nutyityuju, títaju sasiityarivajyuu nutyityuju jarye, jiryatiy riñicha savu nta variy. Savutanuma títaju yitotadedayu, nítiiy datyadarya mityamusiy jtotadeda títaju tara day.

## 2

### *Santyutyada Crístu jivyatadamuju vuy*

<sup>1-2</sup> Jirye jerye vichanuyada diibyimiy Judenu diya jiryeyuuchuediva. Jiryevyichanuyada variy juuchatavay jiryatiy jiryechiityarínuyadara vacha vichada títaju daryaju. Jiryevyichanuyada variy bayantu nutyityumu tuvachuvay, bayantu rapuy nítiiy vanutyada riy rityimyu ne tuvachuruy simu Vujye Judenu.

<sup>3</sup> Títaju nujerye vichanuyada tariy ramuntiy. Nudyivaañuyadara daryatiy nudyivaaryuy, nuvyu vatara jarye, nujechiy vatadamu jaryentiy. Ramuniday nuvyichanuyada variy parutisavay Judenu jtedamuju, nutyu tavay nijyanvatyi títaju darya.

<sup>4-5</sup> Judenu jita nítiiy jaryi jantyutyara, jiryatiy savatada jaryi jivyatadamu vuy, dañuma vuñichanuyada diibyimiy vujyuuchuediva, Crístu jsaju sasayada jamuca jnyudadaju varivyuy. Saniruyadamu jiryeyada variy vuryeyadaju.

<sup>6-7</sup> Samisadeda Judenu Jesucrístu jsaju vuy, samasadeda jarichumu sisaju varintyivyuy,

satidye dityanujayasara junare sarajura jaryi yentyutyada, jiryatiy jaryi samirya jachityi savichasara daryaju vuñijyu Jesucristumusi.

8 Vinu santyutyadamusi vuryamitya mityara vujyuuchueda murichirya, jiryatiy vutyuvachoda simu. Vutyuvachoda jitantiy ne vudyirya tuvachoda darya; Judenumusiñuma ranicha títaju day.

9 Ne vucyanay vuryivaayatara, vuñuma jchanatya ranchivyuy.

10 Vuvyichasara daryaju sundebimiy jiryatiy sundefada Jesucristumu vuy, vuryatidye vichasara samiy jvaavye, darya sabayada jityaju vuryavichajayasara darya samirya sadiya.

### *Vuvyichasara samivye Jesucristumu*

11 Ramuni jiryajachipityara nutyu jiryevyichanuyada munuñumiy Judiyuveda diya. Jiryatiy rutachara jmutyonusarara jivyū Judenunijyu, runuy jita jiryenecho nutyu Judenu rrachúvay, jiryatimyu ne jmutyonusavay daryaju jiryedye.

12 Variryundamu jiryevyichanuyada tajiñechoju Crístujisiy. Ne jiryevyichanuyada variy Judenu siityarivay tevami, dantyamuy ne jiryedyetyada didyerya Judenu jteda jiryeyada rayadaju didye. Jiryevyichanuyada mitya, ne jiryentuñuyada sajiju Judenu jirya vuryinuyada rundamu.

13 Diye jita Jesucristu batyeda nudajamusiy, satuudityaniy Judenu variy jirye, ripya daryaju jiryevyichanuyada sajisidye.

14-15 Sanicha jita Jesucristu samirya vuvyichadaju day, varidye santyeriyadedara davichadajuy tavichadaquijuntiy, daryamusiy sapuyadara riñiqueyada jijechivyasiy, ramuniday rivyichanuyada ripya sajisiy. Sitotadeda Jesucristura Judenu jteda juuchuveta jiyadaju jivyumu, sabatyedamusiy. Suteda Judenu daryaju rajuura niquejadamusiy, nutyuramusiy vuryavichasara samiy, nutyuramusiy. Sabatyedamusiy jita yindejada Jesucristu ni tiqui nijyami yimu, jiryatiy sabayadara vuryatidye vichajayasara samirya mityiji.

16 Crusityasa batyedata saratyadoda mityijiyuryi davichadajuy janvay Judenu diya, riryatidye vichasara titaju nutyu tevajyuu nta variy. Rata jita rabaryijada rimyityasiyadayu.

17 Daryamusiy jita suteda Cristu samirya tuchoda nacho, jiryatidye tuvachu ranacho samituchoda, samiy vichada jarye, jiryatiy jiryevyichasara ripya daryaju sajisiy. Daryaday satuchu ruuva Judiyuvedantiy dañumamuy ne riñicha ripya vichavay.

18 Cristumusi jita vuryito titaju, dañumamuy ne Judiyuveda vñicha, varimyata sitenu Judiyuveda davyuy, vuryiniy titaju Vujye Judenumuju vinu tiqui sitenu Suntumusi.

19 Ramunimuy ne jiryenicha munuñumiñuday, dantyamuy ne raruva janvay. Jiryenicha jita Judenu jiintyasavay tevamyidye, Judenu rori-jyanvay tevamyi jarye risaju titaju.

20 Saroriy Judenu jiryetya rincha yinsubymiy, sajū tuchuvabe jarye, nutyu jutuvu nta riñicha variy. Ninī Jesucristu sanicha ravichu nta roriy

surutyaju.

<sup>21</sup> Simu jita jiryentyeryaniy nutyu roriche variyu, rasay samiy rorijyu jiryatiy bachara Judenunijyu jachipiyajojura.

<sup>22</sup> Daryanuma jiryentyidye, nutyunuma taroriqui titaju jiryevyicha nta variy, samirya vichajo Vujye Judenuju, Suntumusintyi.

### 3

*Supajada Judenu ni Pávurubay ruumu jiryatimyu ne Judíyurveda daryi*

<sup>1</sup> Ramuniday, Ray Pávuru, ravyicha tanuvunusi Crístu siityarisadiva, samirya jiryevyichadaju jiryatimyu ne Judíyurveda jiryedye.

<sup>2</sup> Jiryeni tuvachodama dyetyara nutyu sasayada Judenu jivyatadamu ray, ratidye tuchu jiryivara samituchoda.

<sup>3</sup> Vujye Judenu dityadoda daryajura datyada dutyasara, darya rañuyasiy pasidye ranchiy jiryimuju, jiryatidye datya varirya.

<sup>4</sup> Jiryenumaty jny ramu rañiquejada nuchara, jiryama datya variy ramusiy nutyuramusiy radyetya radyerya Judenu niquejada day, jiryatiy dutyasara Crístunchirya.

<sup>5</sup> Ne sadyanunuyada Judenu tarijyemyi nijyanvavya darya, nutyu diye sadatyanu Yintumusiryi yinsubymiy, saju tuchuvay jarye.

<sup>6</sup> Ranuma ranicha sadatyadoda, jiryatimyu ne jvadichara darya: Nijyanvajyuu jita, jiryatimyu ne Judíyurveda daryi, riñicha Judenu dadyeñurveda rusa Judíyurveda, Crístu vutera jarye, Judenu niquejada jmutyavay jarye titaju. Riñiday vicha

vatajuu Jesucristumu, jiryatiy rityuvachusara samituchodamu.

<sup>7</sup> Saniruyadata jicheyada Judenu ray, ratidye vicha samuchechiy savanuyadata, jiryatiy jvaachara rimura.

<sup>8</sup> Dañuma rañicha tamityi Judenu jaryeti, sasayada Judenu radyerya, ratidye tuchu nijyanvavyara, jiryatimyu ne Judiyuveda daryi. Ratyuchu ruuvara samituchoda Crístunchiy, jiryatiy vuvyichasara jaryi taratavay Crístumu, jiryatimyu ne vucharanumuyadasarara.

<sup>9</sup> Suteda titaju riva daryá, ratidye datyanu vijyomujache titajura sajachipiyajada, jiryatiy ravichanuyada dutyasara tariy simu, nitiy judejada titajura.

<sup>10</sup> Sadityanu variy jichiityarivajyuumusirya titaju jidyetyada. Sadityanu diye riy nutyityuveda, nusuvyevyeda jarye jiryatiy jarichumu vichavantiyiri.

<sup>11</sup> Sitotadeda Vujye Judenu, vuryeyada ráñu Jesucristumusi daryá, jiryatiy sabayada rajotadamusirya.

<sup>12</sup> Jiryatiy vutyuvachu simu Jesucristu, vuryitosara simu Judenu vuchuvuyasadamu variy.

<sup>13</sup> Ramuni rayasanta jiryey ne jiryaparutyajayasara riva jiryatiy parucharay ravychasara jiryeyadaju, tapi jiryichanatyasadaju daryaju darya.

### *Crístu vatada*

<sup>14</sup> Ramuniday radasiñu Vuyntyityu Jesucristu jay nachoju ray.



15 Jüdenumusiñuma vuryimutya títajudarya vuryitya day, nuñi tevajyuu, muy jarichuvimu, daryatiy jiyu mucadimuntiy.

16 Rajechiñuy jiryeyadaju savanutyaniy Jüdenu jivyanuyadata jiryey, jiryatiy sasay Yintumusiy jiryechiy vanutyadajura. Jaryi vanda vijyomu vanuyadatı daryaju dañi Jüdenu day.

17 Rajechiñuy satidye vichasara Crıstu jiryechimyu, jiryetyuvachodamusiy, jiryatiy jiryevyicha vase jachipiyavay savatadamuju nutyu nutasara, rajuura jnutijyuutara, varimyata nutyu jutuvu surra jusityasará.

18 Rajechiñuy siva ramusiñuma jiryadatya rusaju tıtaju Jüdenuju jıintyasavarya savatada, jiryatiy jaryi vojotara darya, jiryatiy jaryi jamucantirya, jiryatiy jaryi navajyuntirya, jiryatiy jaryi nicharicharajuntirya.

19 Rajechiñuy jiryadatyara Crıstu vatada jiryatimyu ne vudyetyamuyadasara darya, jiryatidye vichasara tıtaju daryá nutyu Jüdenu vichasara daryá, jiryatiy savichasara miryani jiryimu.

20 Diye vanda rachasara tıtaju saju, nitıy datya jvaayada jaryivyajura rajuura ranchaju vujechiñuyada jiyadaju, varimyata vujechipiyajada jiyadajuntiy. Darya vandanuma rachasara variy sajuntidye, nitıy datya jmutyada jivyanuyadata davyuy.

21 Saju jıta racha vanda, sasiityarivajyuumusiy, Jesucristumusiy jarye, junare saraju tıtaju. Dañuma rachajayasara jasiy daryá.

### *Vuryecha vatajuu Judenu Jnutumusiy*

<sup>1</sup> Rayasanta jita jirye, ray jiryatiy ravyichasara tanuvunusi Vuyntyityu jiyadaju, ritay titaju jiryivara: Daryanuma jiryavichajayasara sanijyu Judenu, daryatiy jiryeñuma rañicha titaju Judenu jaryetasavamyi.

<sup>2</sup> Samiy jachipiyajadatavay jiryecha, samirya jachityavay jarye, jiryatiy jiryejechiniy jivyatadamu nuñi jiryedyeyu.

<sup>3</sup> Parucharimyusiy jiryeryiryira vatajuu Judenu Jnutumu vichada, jiryatiy jiryevyichasara samirya nuñivajyuu yisa.

<sup>4</sup> Jiryecha nutyu tiqui nta Crístumu variy, daryadantyi tiqui Jnututavantyi jiryatiy sanatuyada taraqui nutuyadata jirye.

<sup>5</sup> Vinu ninì sanicha tiqui Vuyntyityu, daryaday taraqui tuvachoda simuntiy, daryaday varintyirya taraqui jityuyadantiy.

<sup>6</sup> Savichasara vinu tiqui Vuryindenu, vinu ni vichasara Vujye vujyu. Ninì vichasara rancha titaju, savichasara ranube titajuntiy, savichasara ramu titaju risaju.

<sup>7</sup> Nuñi tiquimusiy vuryimutyara sasaryá jiryatiy vuryeyarurya darya, daryatiy sasaryuyada Crístu davyuy.

<sup>8</sup> Darya suteda Davyíbe sanchiy: Sasubedanumatiy jita navajyu, sayatada riy tanuvunusavajyuu yisaju, sasayada variy nijyanvarya jiyarurya.

<sup>9</sup> Jiryatiy suteda Davyíbe: Sasubeda, vudyetya ranchiy jiryatiy sumusada munatya mucadijarijyu.

10 Níday Jesús jmusadantiy, níday jasubeda rivasiy varintyi, jaryi navay jarichuvimujuntiy, satidye muchaniy jidyetyadata títajura tara.

11 Sasayada datyada riy tavay, riryatidye vicha variy nusuvye, tavay jita sutedamu tuchuvay rusaju, tavantyi saniquejada tuchusavajyu, tavantyi sasiityarivajyuu jnutyadaju, tavantyi datyanuvajyu, Judenu niquejada datyadodaju.

12-13 Daryamusiñiday sudutyada Judenu riy jijeryetavay ruvaayada jiju, riryatidye vanutyansirya Crístuvu, títaju sasiityarivajyuumusiy, jasicharajutiy vuryito mityiji jachipiyajadaju sisa Crístu, vutyuvachodamu, vudyetyadamu jarye, jasicharajunuma vuryecha samiy jami, jiryatiy vucheryeryurya Crístu javyeda.

14 Ne vuryecha variy nutyu deramiy nta nuday, jiryatiy riry anumitya vanira darya jiejchipyajada day, runtatyanumatiy nijyanvarya taji datyadoda. Rijetyaruy tajijyura vujchipyajada nutyu riyerya, varimyata riicho jatyari tajijyura vucyartye. Jasiy daryaju riy nijyanvay rityi quivuchunaya vacha datyadodamusiy jiryey, jiryatiy riry anumityaruy tajijyura jiryejchipyajada nupocudi núquiivaju daryaju.

15 Vuryanique jítara samiy niquejada vuvyatadamuju. Vuryama javye títajumu sanachoju Crístu, nitiy vichasara vuryino.

16 Simusiñi jita jiryinuy vuvyichasara nutyu savu nta, títaju jiryatiy vuchiityarisarani. Vuvyichasara mityijiyuu sisa, nutyunuma rupanichara nta ravichasara vujyuu títaju saniy

Crístu, daryanuma sabayada Jüdenu darya. Rajotanumatiy jvaayada samirya nuñi Crístu vütera, rajavye savu variy, vüvyanuťyasara variy vüvyatadamusivyuy.

*Vadi jnyuada Crístumu*

<sup>17</sup> Jirya jita ritay jiryiva; ratyuchu Vuyntyityu jtedamura: Ne jiryavichasara nuťyu munuñumiñuday, rivyichasara daryaju jidyirya jachipiyajadamusiy.

<sup>18</sup> Rivyichasara nupocunubesiy jachipiyavay, Jüdenu jnyuadamusiy jiintyasavay, jiryatiy datyisamiy daryaju daryi, jaryi surra daryajura rijechiy rajisiy.

<sup>19</sup> Jiryatimyü ne ridyetyara janada nundyey, ribemyara jivyichada riryatidye vichasara cadnavedacanimiy, riryatidye jvaarya vacha jvaayada jaryi.

<sup>20-21</sup> Jirye jita datyadani Crístu darya vichadajisidye, jiryetyi tuvachodara sitenu niqejada, jiryatiy ridyetyadoda jiryerya, darya ravichasara sitenu Jesúsnu day.

<sup>22</sup> Jiryajatya jiryechimyusirya tariy jiryevyichada, jiryatiy jiryevyichasara jarapuvyey ramu, vacha niruvyey jiryatiy quivuchodata riñirutyaniy jiryerya.

<sup>23-24</sup> Jiryechasiy vadivay yintumu, jiryechimyü jaryey, jiryama jachu yiva ni vadi nijyami, jiryatiy judesi dani, nuťyu Jüdenu darya, jiryatiy vase bachi dani, Jüdenuju jaryetasi daryaju dani.

*Nutyuramusiy vuryi vichasara vadi jnyuadamu, nutyuramusiy*

25 Ramuni jiryajatya yajisiryá quivuyada, jiryatidye niquera sítenu niquejada nuñi jityuunu vichavatya, tapi vuvyichanuma nutyu Crístu vutera títaju.

26 Jiryatiy nique, ne jiryajuuchuvay varyi, dantyamuy ne jiryasurutyanirya jiryeñiqueyada jidye saraju.

27 Ne jiryabay vidavijo bayantu nutyityujiju jiryejechimyu.

28 Nítiiy vichanuyada paranuni, samá paruy riva paradoda, samá jvaay jijyomututara samirya jvaayada, satidye say tara ni jantyuyani.

29 Ne rasipyatachara nicyaray niquejada jiryitosiñuday, vinu samiy niquejada, vuryatidye vanutyaniy riy vutyevamyi ramusiy, riryatidye jmutya ramusirya Judenu jmutyada.

30 Ne jiryayivatyaniñi Judenu Jnutu, sabayada Judenu daryaju ni Yintu jiryiva, satidye puchiy tamitya rundamu yisaju varyi jirye.

31 Jiryánuma paruy títaju riva jaryi niqueyada, japichiy niqueyada, niqueyadamusiy sañeyajada, javityiyeyada, títaju nicyaray jvaayada, nicyaray jachipiyajada jarye títaju risaju.

32 Jiryecha samirya jachityavay jiryisa, jantyutyavay jarye, jiryantya ramityanintyidyeria jijyuuchurveda yivantidye, nutyu Judenu ramityadeda jiryivara jijyuuchurveda Crístumusiy.

## 5

*Nutyuramusiy riryi vichasara Judenu dadyeñumiy*

1 Ramunì jiryècha Judenu jantyavay jiryatiy jiryèñicha sadadyèñu jaryi vatasavay.

2 Jiryamà vichasara jaryi vatadamu, daryatiy savatada Crístu daryá vuy, sasayada variyu, satidye batye vuryeyadaju. Suntatyada parucharimyusiy Judenumujuyu, jiryatiy sumutyajada Judenura suntatyada, nutyu vurudi jaryi jurura saju.

3 Jiryetyi rañicha Judenu vichadamu, ne jiryanique cadnavedanchiñundyè, dantyamuy ne vacha jvaayadanchiy, dantyamuy ne jaryi tara canuyadacanimchiy, tapi ratatiy jiryajarupanu variñi ti.

4 Daryantyamuy ne jiryanique nicyaray niquejada, datyisadamu niquejada, jamiryamu niquejada jarye, mitya. Jiryanique jítara niquejada ratatiy jiryichanatyada ni Judenu.

5 Jiryadatya samiy daryajura jiryà: Nítìy vichasara cadnavu, varimiyata vaturuy cadnatoda, varimiyata vacha jvaarya, varimiyata tara sachara canuyadacanu, jiryatiy sasiityari Judenu jiyasachirya tara, ne sajmutyasara mityara jiyarurya Crístu nusujyomu, jasityi sansuchara Judenu ni.

6 Ne jiryaquivuchutaniy mitya niquejadatayu, tapi darya jvaayadacosiy rajti Judenu niqueyada jaryi riyaroju rityimyu ne tuvachuruy simu.

7 Ramunimuy ne jiryècha rusà rupivye darya vichadamu.

8 Tariñuma jiryè vichanuyada nupocudinube, diye jíta jiryevyichasara Vuyntyityumusiy vandamu. Jiryavichasara samirya nutyu Judenu dadyèñumiy.

9 Vandamu rupiyadamusiy runday títajū jiryatiy samiryara, jiryatiy vase jaryera, jiryatiy sítenu jarye risajura.

10 Jiryamā jantya jvaayadara jiryatiy samiryā Jūdenū diya darya.

11 Ne jiryajvaay mityiji rusā rityi jvaay nupocudinubera jiryatimyū ne samiryā Jūdenū diya darya. Jiryasipyata jīta nupocudinubesiryā vācha jvaayada, nonomujū.

12 Jadasara jītara vuñiquejada ranchiy jiryatiy ruvaachara dutyadamusiryā.

13 Títajū sipyatasaranumatiy vandamujū darya, ramachō títajū vandamu variy.

14 Títajū jvadicharanuma nonodamu darya. Ramunītiy rutay variy:

Yanuma jidyō mayadacanu, yanuma misasumiy diibymiy cabyimusi, sanónonūy Crístu variy yiva.

15 Ramunīday, jiryinūtyatata samiryā jiryevyichāda. Ne jiryechasara datyisamiy, jiryecha jīta datyavay.

16 Jiryedyetyatata samiy ramityadara jiryevyichāda jiyu, jiryatiy nicyaray vichāda daryaju diye.

17 Ne jiryecha datyisamiy nūndye, jiryamā datyara Vuyntyityū nīrūyada.

18 Ne jiryaniyuñūday, jiryatiy jarapūchara daryaju darya. Jiryamā vichasara mūchanichavay Jūdenū jnutumusi.

19 Jiryāniqueta nuñi vajyuu murrayadatayu, jiryatiy vūmyurray Jūdenunijyū Sūntumusi.

Jiryamurrachara títaju jije chitya jiryatidye jchanatyá ratani Vuyntyityu variy.

<sup>20</sup> Jiryajchanatyajayani Vujye Judenu títaju riva jiryatiy samirya darya, rivantiy jiryatiy ne samirya ranichantiy, Vuyntyityu Jesucristu jtyamu jiryajchanatyá variñi.

*Nutyura saryi vichasara Judenu siityarinu jiry-orimyu, nutyura*

<sup>21</sup> Jiryatuvachu nuñi tiquimusiy yimu, jiryatiy jiryechuvuñi Crístu.

<sup>22-23</sup> Vatuy, jiryatuvachu jaryi ruumu jivyaduy, nutyu Vuyntyityumu vutyuvachu daryantiy, tapi sabayada Judenu ni vanu nutyu nutyityu savaturaju, daryani savicha Crístu jichiityarivajyuu nutyityuntiy, jiryatiy riyada ráñuni. Niní vicha nutyu runo, riy jita nutyu savu nta varidye.

<sup>24</sup> Nutyu Crístu siityarivay tuvachusara yimu, daryani riryatuvachusara vatuy ruumu jivyaduntidyedye.

<sup>25-26</sup> Vadumyjerye ravatasara jaryiñada jivyaturuy, nutyu Crístutiy vatanuyada darya riy jichiityarivajyuu, sabatyeda variy riyadaju, jiñiruyadamu, satidye jiintya variy jijyu daryi, jiryatiy sapuyada daryaju ruovasirya jijyuuchurveda, jiryatiy riityuyada Judenu niquejadamu tuvachuvay jaamu.

<sup>27</sup> Sivaayada daryá satidye jnutatya yimuju riy, jaryi vandamu vichavay, ne riryecha vatajo tavay, dantyamuy ne tara nicyaray bayasara riñijyu, dantyamuy ne nicyaratyavay, mitya. Savata riryecha jiintyevye jijyu, ne javatyasavay, mitya.



28 Nutyu vaduy jantyutyara jivyu, saniruy jaryyu, daryaday saryi jantyutya nada jivyaturuntyi, saryi niruy jaryi nadantidye. Tapi nitiy vata nada jivyaturuy, savata variy daryantidyyu.

29 Ne ti javittyurya jivyu; sapotyaniy jitayu, daryatiy sunutya Cristu riy jichiityarivajyuuntiy jiryatiy vuryitay savu daryi.

30 Vuy jarye vichasara savutera variy.

31 Darya suteda:

Ramuni, satochiy vanuni jijye, sunoda jarye, satidye jamuy jivyaturaju variy, danujumyusiy nanachasara nutyu tiqui variy.

32 Jirya jita jaryi tittasara datyanusara daryaju darya, jiryatiy dutyasara ravichanuyada. Raniday suteda Judenu Cristunijyu, sasiit-yarivajyu niyyu jarye.

33 Darya ritesiy jiryeyuntidyerya jirya niqe-jadantidye: Nuni tiqui vanu ravata nada jivyaturuy nutyu savata jaryintyidyyu, daryaday vatujyuntiy, riryabay samirya riy jivyaduy.

## 6

*Nutyuramusiy riryecha deramiy jijyemyitya Cristumu, nutyuramusiy*

1 Deramiy, jiryama tuvachu ruumu jijyemyi, Vuyntyityuu, jiryatiy vase vichasara daryaju darya.

2 Darya suteda Judenu:

Vuryajnuy samiy nanunacho vuryinoda, vujyeñecho jarye.

Sabayada jirya niquejadatara ruventiy, vuryatidye datyasarara nutyu racha rijyu rityi tuvachusara ramu.

<sup>3</sup> Suteda jadchintyi:

Vuryajnyuy samiy nanunacho vujyeyuy, vuryatidye jnujeyasara samiy jamuca jirya mucadimu.

<sup>4</sup> Deramiy jamyintyi, ne jiryaniquettaniryi jidyedyeñu, jiryama javyechu Vuyntyityu vasedodamu riy, sadatyadodamuju.

*Nutyuramusiy riryecha muchechimy jipyatrumitya Crístumu, nutyuramusiy*

<sup>5</sup> Cumudemintyi, jiryama tuvachu simu jipyatru. Jiryajvaay jichuvuyadamu, jiryemyichutyedamu nta jarye risaju, darya ntanuma jiryeni jvaay taraqui jachipiyajadata Crístunijyu variy.

<sup>6</sup> Ne jiryajvaay vinu satidye jachipiya jiryepyatru samiy jvadichavay variy jirye. Daryatiy Crístu cumudemidye jiryenichantiy, jiryama jvaay jije-chityara Judenu vatara.

<sup>7</sup> Jiryajvaay samiy jachipiyajadatara nutyu Vuyntyityuju, ne nutyu nijyamiju day.

<sup>8</sup> Jiryedyetyama daryaju darya: Sajmutya nuñi tiquira samiy yivaayada murichirya. Daryani sajmutya Judenumusintyirya, dañuma sanicha cumude, varimyatamuy ne sanicha cumude.

*Nutyuramusiy riryecha patrumiy jimyuchechimyitya Crístumu, nutyuramusiy*

<sup>9</sup> Patrumintyi, jiryama bachara samiryi jicyumudemiy. Jiryama paruy riva jasuyeyada niquejadata riy, jiryajachipityaja variñi jiryatiy

savichasara t̄iqui Vuyntyityu jarichumu, n̄itimyū ne datya javiryutyāda t̄i.

*Judenu siityarivay jvatyá ratatiy ruvachara riy bayantuveda*

<sup>10</sup> Parichemyusiy j̄ita, ratyeryiveda, vuryama vanūtya Vuyntyityumu vuy, jaryi savanuyada jmūtyadata.

<sup>11-12</sup> Vuryama jachu vuryivara Judenumusirya bayantu jatyata, vuryatidye vanūtya bayantu nutyityu quivuchoda jidchoju vuy, jiryatimyū ne vuñiquechara nijyanvay savityavay jiyaroju, dantyamuy ne nudatavay jiyaroju. Vuñiquechara j̄ita riyaroju nutyityuveda day, nusuvyevyeda jarye, rityi nusuchara jirya mucadimu nupocud-inube, rityi vichasara riicho janvay, jarichumu vichavay bayantuveda nicyaramyi.

<sup>13</sup> Ramuniday vuryajmutya vuryimujura Judenumusirya bayantu jatyata t̄itaju, vuryatidye vanūtya paruchariy rundamu vuy; vuñumatiy vuunu variryi, vuryamachosara canavye varyi.

<sup>14</sup> Vuryama radesiy nutyu puchusara nta vucyadnumu Judenu niquejadata. Vuryajachu vudyutuuvyara vudyutuujyo, jiryatiy Judenumusiy vase vichada darya.

<sup>15</sup> Vuryajachu vuñumutuvantirya nutyu saapátuntiy ratatiy vuryajdutyā samituchoda tuchunumayajadaju vuy.

<sup>16</sup> Jadchiy j̄ita vuryajmutyantirya vuryamityatantiy jiryatiy vuryitay Judenumu tuvachoda darya, ratatiy vuryajmutya t̄itajura bayantu nutyityu ruve, jiryatiy saduu jiidatya vuñechojura.

17 Vuryajmutya vuryinocojura Judenu jmutyadantiy, vuryajirintyirya Judenu niquejadantiy, jiryatiy Judenu Jnutu jchityitya darya.

18 Ne vuryaparuy riva Judenujsa tuchoda, vuryajiyasantajaya jachiñuyada ni, Suntumusiy datyadodamuju. Vuryantya vichasara vaniravay, vuryatidye jdutya tara jidchoju vuy, ne vuryaparutya riva vuy. Vuryatuchujayasara sisa Judenu, titaju sasiityarivajyuu jiyadaju.

19 Jiryatuchu sisa Judenu rayadajuntidye, ratidye nique vijyomujache ritosirya samituchodantidye, jiryatiy dutyasara ravichanuyada, ratidye tuchu rachuvuyasadamura jiryatiy sanique Judenu rimusidyerya.

20 Ravyicha Judenuju tuchu tanuvunujovimu. Ramuni rañiqueruy rachuvuyasadamu, daryatiy savata ranique jiyu.

### *Samuchurveda Pávurubay tamitya riy*

21 Jiryatidye datya raynchiy, nutyura rañicha, Tíquicu ratuchu jiryivara titaju ravyichada, ri-vaayada jarye. Nini jita vutyeryi jaryi vatasi, samiy jmutyara varidyeñi, jiryatiy sivaachara samiy Vuyntyityumu darya.

22 Ripa jiryimujuni, satidye datyatanirya tuchoda raynchiy, ne jiryajachipiya tajijyu jijechimyu variy.

23 Riryecha samiy vutyeryiveda Vujye Judenu vatadamu, sunuchodamu jarye jiryatiy sunuchusara jivyatadamu Vuyntyityu Jesucristumusidyevuy.

24 Sasachara samiy vichasada riy titaju jiry-  
atij vuvyatajayasaranij Vuyntyityu Jesucristu, ne  
baryijasara vatadamuju.

Sayanuma Pávuru

## **Judenu jto nijyanvamyu New Testament in Yagua (PE:yad:Yagua)**

copyright © 2008 Wycliffe Bible Translators, Inc.

Language: Yagua

Translation by: Wycliffe Bible Translators, Inc.

Yagua [yad], Peru

### **Copyright Information**

© 2008, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Yagua

**© 2008, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 18 Apr 2025 from source files  
dated 29 Jan 2022

741209ce-3bea-5617-a721-dc112d0873cd